

傷寒論方解下

目錄

小柴胡湯

大柴胡湯

柴胡加芒硝湯

柴胡加龍骨牡蠣湯

柴胡桂枝湯

柴胡桂枝乾薑湯

四逆散



抵當湯

抵當丸

大陷胸丸

大陷胸湯

小陷胸湯

白散

十棗湯

半夏瀉心湯

大黃黃連瀉心湯



附子瀉心湯

生薑瀉心湯

甘草瀉心湯

大承氣湯

小承氣湯

調胃承氣湯

桃核承氣湯

麻仁丸

蜜煎導方



土瓜根導方

猪膽汁導方

白虎湯

白虎加人參湯

竹葉石膏湯

黃芩湯

黃芩加半夏生薑湯

黃連湯

黃連阿膠湯



乾薑黃連黃芩人參湯

白頭翁湯

禹餘糧丸

文蛤散

瓜蒂散

赤石脂禹餘糧湯

桃花湯

豬膚湯

甘草湯



桔梗湯

苦酒湯

半夏散及湯

燒裨散

烏梅丸

當歸四逆湯

當歸四逆加吳萸生薑湯

炙甘草湯

針灸法目錄



針足陽明法

刺風池風府法

刺期門法

刺大椎肺俞肝俞法

灸太谿穴法

即少陰

灸背惡寒法

刺便膿血法

灸溫其上法

灸厥陰厥法



銖兩升分考



傷寒方解卷下

侯官陳恭溥著

小柴胡湯

長男讓玉校

柴胡

八兩

黃芩

三兩

人參

三兩

半夏

半升

甘草

三兩

生薑

三兩

大棗

十二枚

已上七味以水一斗二升煮取六升去滓再煮取三

升溫服一升日三服若胸中煩而不嘔去半夏人參加枳實

一枚

若渴者去半夏加人參合前成

四兩半

加枳實根

四兩

若

腹中痛者去黃芩加芍藥

三兩

若脇下痞鞭去大棗加牡蠣

四

兩

若心下悸小便不利者去黃芩加茯苓

四兩

若不渴外有微

熱者去人參加桂枝

三兩

溫覆取微汗愈若欬者去人參生薑



大棗加五味子。半升。乾薑二兩。

柴胡氣味苦平。苗香可食。香氣直上雲霄。稟太陰坤土之精。達於太陽之藥也。能啟陷下之陽而上升。除寒熱邪氣。少陰之根氣虛者不可服。蓋能拔其根也。

小柴胡湯。半表半裏轉樞達表之方也。凡病樞機不轉。經脈不調者。悉皆用之。本論曰。傷寒五六日。中風往來寒熱。胸脇苦滿。默默不欲飲食。心煩喜嘔。或胸煩而不嘔。或渴。或腹中痛。或脇下痞硬。或心下悸。小便不利。或不渴。身有微熱。或欬者。此方主之。此治太陽之氣逆於五運之中。不能樞轉外出者也。又曰。血

氣盡。腠理開。邪氣因入。與正氣相搏。結於脇下。正邪分爭。往來寒熱。休作有時。默默不欲飲食。藏府相連。其痛必下。邪高痛下。故使嘔也。此方主之。此治虛人感太陽之邪。結於脇下。不能樞轉外出者也。又曰。傷寒四五日。身熱惡風。頸項強。脇下滿。手足溫而渴者。此方主之。此治太陽分部之邪。涉於裏陰。不能樞轉外出者也。又曰。傷寒陽脈濇。陰脈弦。法當腹中急痛。先與小建中湯。不差者。與此方。此治經脈之血氣不和於半表裏者也。又曰。凡柴胡湯病證而下之。若柴胡證不罷者。復與此方。必蒸蒸而振。却復惡熱汗出而解。此達太陽之氣。從地而升者也。又

曰太陽病過經十餘日。反二三下之。後四五日。柴胡證仍在者。先與此方。此治太陽誤下而未殞。仍藉樞轉以外達者也。又曰。傷寒十三日不解。胸脇滿而嘔。日晡所發潮熱。已而微利。此本柴胡證。下之而不得利。今反利者。知醫以丸藥下之。非其治也。潮熱者。實也。先宜此方以解外。此治太陽之氣逆於陽明。先宜達太陽之氣於外者也。又曰。婦人中風。續得寒熱往來。發作有時。經水適斷者。此爲熱入血室。其血必結。故使如瘧狀。發作有時。此方主之。此治熱入血室。血結之證也。又曰。傷寒五六日。頭汗出。微惡寒。手足冷。心下滿。口不欲食。大便硬。脈細者。此爲陽

微結。必有表復有裏也。脈沈亦在裏也。汗出爲陽微。假令純陰結。不得復有外證。悉入在裏。此爲半在裏半在外也。脈雖沈緊。不得爲少陰病。所以然者。陰不得有汗。今頭汗出。故知非少陰也。可與此方。此治半表裏之陽微結證也。又曰傷寒五六日嘔而發熱者。柴胡湯證具。而以他藥下之。柴胡證仍在者。復與此方。此雖已下之。不爲逆。必蒸蒸而振。却發熱汗出而解。此治下後之樞不折。仍在半表裏之證也。又曰太陽病十日以去。脈浮細而嗜臥者。外已解。設胸滿脇痛者。與此方。此治太陽未盡之邪。從胸脇以外出者也。又陽明篇曰。陽明病發潮熱。大便溏。小

便自可。胸脇滿不去者。此方主之。此治陽明中土之氣。不能樞轉者也。又曰陽明病。脇下鞭滿。不大便而嘔。舌上白胎者。可與此方。上焦得通。津液得下。胃氣因和。身濺然汗出而解也。此用以和胸胃於上下。流通於內外者也。又曰陽明中風。脈弦浮大。而短氣。腹部滿。脇下及心痛。久按之氣不遁。鼻乾不得汗。一身及面目悉黃。小便難。有潮熱。時時噦。耳前後腫。刺之少差。病過十日。脈續浮者。與此方。此治三陽逆於三陰。藉樞轉而可出也。又少陽篇曰。本太陽病不解。轉入少陽者。胸脇下滿。乾嘔不能食。往來寒熱。尙未吐下。脈沈緊者。與此方。此治太陽轉少陽之

病在樞也。又厥陰篇曰。嘔而發熱者。此方主之。此治厥陰中見之樞轉不利者也。又差後篇曰。傷寒差已後。更發熱者。此方主之。此治病後表裏之氣未和者也。此方之功用。普矣。蓋柴胡啟一陽之氣。半夏啟一陰之氣。人參甘草生薑大棗。滋補中焦之氣。黃芩解內外之熱。能使正氣內出。邪熱外清。誠運樞却病之神方也。且此方氣分藥也。又能治婦人之熱入血室。血結之證。則此方又能使血分之病。達之於氣分而解。此又神而化之用也。其胸中煩熱之去。半夏人參加括藹者。蓋括藹能導絡熱以下行。則胸中之煩熱平。若半夏之辛燥。人參又能緩括藹之下。

行故並去之。其渴加蔓根。益人參去半夏者。蓋括蔓根能啟在下之水津。上滋以止渴。人參能生五液者。若半夏秉火土之性。而能燥液。故去之。其腹痛去黃芩加芍藥者。蓋芍藥能助心主之神。通脾絡而止痛。若黃芩則苦寒傷脾。故去之。其脇下痞硬。去大棗加牡蠣者。蓋牡蠣鹹能軟堅。而啟厥陰之生陽。木氣達而脇平矣。大棗甘而緩。故去之。其心下悸。小便不利。之去黃芩加茯苓者。蓋茯苓能歸伏心氣。而利水道。黃芩之寒助水。故去之。其不渴。外有熱。之去人參加桂枝者。蓋解太陽之標熱。不必滋胃之人參也。其欬之去人參生薑大棗。加乾薑五味者。蓋乾

薑用以煖肺寒。五味酸以斂肺氣而止欬。人參大棗生薑皆滋
益中焦之品。非飲家之藥也。且人參猶能留戀飲邪。故並去之。
觀此方之加減法。後學之用方用藥。可以爲法矣。然更有柴胡
不中與者。本論曰。得病六七日。脈遲浮弱。惡風寒。手足溫。醫
三下之。不能食。而脇下滿痛。面目及身黃。小便難者。與柴胡湯。
後必下重。本渴飲水而嘔者。柴胡不中與也。食穀者噦。此言太
陽陽明根氣虛者之不可與也。又曰。太陽病過經十餘日。心下
溫溫欲吐。而胸中痛。大便反澀。腹微滿。鬱鬱微煩。先其時自極
吐下者。與調胃承氣湯。若不爾。不可與。但欲嘔。胸中痛。微澀者。